

安陸府志卷之二十

文學列傳

名成一家書破萬卷理窟文心起衰救變垂名史冊有功經傳風會淳駁實關治亂傳文學

春蘊

宋玉

宋玉屈平之弟子也平既罹譖投沙玉與其爻唐勒景差哀而賦之作九辯以述其志招魂以號其復初楚威王問曰先生其有遺行邪何多訾也玉曰唯然

安陸府志

卷二十

一

有之客有歌於郢中者其始曰下里巴人國中屬而和者數千人其爲陽陵采薇國中和者數百人其爲陽春白雪國中和者不過數十人其曲彌高其和彌寡故鳳鳥絕浮雲負蒼天翱翔乎窈冥之上夫糞壤之鷄豈能與之較天地之高鯨魚發崑崙之墟暴鱗於碣石莫宿於孟諸夫尺澤之鯢豈能與之量江海之大非獨鳥爲然聖人瑰意竒行超然獨處世俗之民安能知臣之所爲哉及事項襄王王無以異也玉讓其友其友曰夫薑桂因地而生不因地而辛勢使

然也玉曰君不見夫韓盧之與東郭魏乎遙見而指授雖盧不及魏躡跡而縱縶雖魏亦不及盧也他日其友又曰先生何計畫之疑也玉曰君不見夫玄猿乎當其居桂林峻葉之上從容遊戲超騰往來悲嘯長吟龍興鳥集及其在枳棘之中恐懼而悼慄危視而踏行處勢不便也夫處勢不便豈可量功校能哉一日同唐勒景差從襄王於雲夢之臺王曰能爲寡人大言者上座唐勒曰壯士憤兮絕天維北斗戾兮泰山夷景差曰校士猛毅臯陶嘻大笑至今摧罍罍安陸府志

卷二十

二

玉曰方地爲車圓天爲蓋長劔耿耿倚天外王曰未也有能小言者賜以雲夢之田景差曰載氛埃兮乘剽塵唐勒曰館蠅鬚兮宴毫端玉曰超於太虛之域出於未兆之庭視之渺渺望之冥冥王曰善賜之以田後玉休歸唐勒讒之乃著諸賦以自見云

唐

李邕

李邕字泰和江夏郡人少謁李嶠願讀中秘書嶠薦之假直秘閣未幾辭去嶠驚試問奧篇隱軼辯對如

響拜左拾遺玄宗初爲御史中丞左遷北海太守文  
名籍甚盧藏用戒之曰君如干將莫邪莫與爭鋒然  
終虞缺折耳邕不能用與江革司馬王琚皆自謂耆  
舊在位殊怏怏李林甫惡其負才使氣欲因事除之  
因遣羅希奭按邕與裴敦復皆杖殺之

宋

孫何

孫何字公漢其先汝陽人以父鏞爲荆門軍遂居荆  
門生十歲識音韻十五能屬文篤學嗜古爲文必本

安陸府志

卷二十

三

經義在貢籍中甚有聲與丁謂齊名時號爲孫丁王  
禹偁尤推重之嘗作兩晉名臣贊宋春籟二十篇聞  
於時淳化三年舉進士第一解褐將作監丞通判陳  
州召入直史館賜緋遷秘書丞京西轉運副使歷右  
正言改右司諫真宗初何獻五議其一請擇儒臣有  
方略者統兵其二請世祿之家肄業太學寒雋之士  
州郡推薦而禁投贄自媒者其三請復制舉其四請  
行鄉飲酒禮其五請以能授官勿用恩遷例上覽而  
善之咸平二年舉入閣故事何次當待制獻䟽擇守

宰省冗員遴選庶官未幾徙轉兩浙轉運使加起居  
舍人景德初代還判太常禮院俄與晁迥陳堯咨並  
知制誥賜金紫掌三斑院無何以被疾勉強親職一  
日奏事上前墜奏牘於地俯而取之復墜笏有司劾  
之何請西京養疾上不許第賜告遣醫勉其然艾何  
荅曰歿生有命卒不聽是冬卒年四十四上在澶淵  
聞之憫惜錄其子言爲大理評事何樂名教勤接士  
類後進之有詞藝者必爲稱揚然性卞急不能容物  
在浙右專務峻刻州郡病焉好學著史通十餘篇有

安陸府志

卷二十

四

集四十卷弟僅

僅字鄰幾少勤學與何俱有名於時咸平元年進士  
甲科兄弟連冠貢籍時人榮之解褐舒州團練推官  
會詔舉賢良方正之士趙安仁以僅名聞策入第四  
等擢光祿寺丞直集賢院俄知浚儀縣景德初拜太  
子中允開封府推官賜緋北邊請盟遣使交聘僅首  
爲國母生辰使改本府判官遷右正言制誥賜金紫  
同知審官院是冬永興孫全照求代眞宗思擇循良  
任之御書邊肅泊僅二名示宰相或言僅嘗倅京府

諳民政乃命知永興軍府僅純厚長者爲政頗寬嘗  
詔戒焉至祥符元年加比部員外郎 還之審刑院  
頃之拜右諫議大夫出知河中府歸朝復領審刑院  
久次進給事中天禧元年卒年四十九錄其子大理  
評事和爲衛尉寺丞僅性端慤中立無競篤於儒學  
士大夫推其履尚有集五十卷僅弟侑亦登進士第  
至殿中丞

畢漸

畢漸潛江人紹聖元年進士第一爲膳部員外郎出  
安陸府志 卷二十 五

知荆南府事以文學致身剛介自立時人以其典郡  
榮之

張君房

張君房安陸人宋眞宗時爲著作郎日本遣使入貢  
詔本國建寺詞臣撰記君房代爲之彝使待命而君  
房醉飲市樓索之不得直院大窘後楊億政閑忙令  
曰世上何人號最忙紫微失却張君房

鄭獬

鄭獬字毅夫安陸人少負俊材詞章豪整初試園丘

象天賦登進士第一英宗即位治永昭山陵悉用乾興制度獬言今國用空乏而山陵乃欲效最盛之時稍傷儉德願飭有司損其名數又上疏欲試任子武臣以寓勸懲至於貪酷吏抑之終身勿仕等事召對內東門命草三制賜雙燭送歸舍人院外庭無知者拜翰林學士時散青苗錢獬言但見其害不忍民無罪而陷憲網引疾卒家貧子弱其柩藁殯僧屋十餘年滕甫守安州乃克葬於郢州之楊家河

朱震

安陸府志

卷二十

六

朱震字子發荆門軍人登宋政和進士第仕州縣以廉稱胡安國一見大器之薦於高宗召爲司勳員外郎震稱疾不至會江西制置使趙鼎入爲叅知政事上諮以當世人才鼎曰臣所知朱震學術深博堅正守道士之冠冕使任講讀必有益於陛下上乃召之既至上問以易春秋之旨震具以所學對上說擢爲祠部員外遷秘書少監兼侍經筵轉起居郎建國公出閣以震爲贊讀仍賜五品服遷中書舍人兼翊善轉給事中兼直學士院遷翰林學士旋知禮部貢舉

會足疾不果震經學深醇有漢上易解以易傳爲宗極合邵雍張載之旨高宗紹興間□□計選建宗子育於宮中嘗開資善堂震與范冲二人皆名德老成岳飛因退而喜曰社稷得人中興之業其在是乎後宗子正儲位繼大統稱爲英主實震冲訓導之力也人號爲漢上先生與弟巽初入太學時號二朱今三賢祠祀胡文定胡致堂並漢上先生也

### 范如圭

范如圭字伯達荆門人從舅胡文定公受春秋學鄉安陸府志

卷二十

七

舉顯試皆第一對策廷中極論人主正心立學之方力詆和議言甚壯切授左從事郎武安節度推官時長沙湘中大亂如圭避地荆門艱苦百罹而志業益修江東安撫司機宜文字近臣交薦召試除秘書省正字改宣義郎遷校書郎兼史館校勘會秦檜力建和議金使入來而朝廷草創無所館將遷秘書省以處之如圭亟見趙鼎曰秘府謨訓所藏可使若輩處之乎檜以是怒乃謁告奉柩歸葬故鄉杜門讀書不與人事者十餘年尋起通判邵州又通判荆南府事

時檜已歿如圭所與同時去國者多召用如圭亦被命入對高宗猶記前議勞問久之因進言爲治以知人爲先知人以清心寡慾爲本語甚懇至時宗藩並建儲位未定道路竊有異言如圭雖在遠外獨深憂之嘗剟至和嘉祐間名臣章奏凡三十六篇合爲一書至是囊封以獻上見其疏嘆之曰如圭可謂愛君矣遂留覽因返泉州卒朱熹銘其墓

廖正一

廖正一字朏略世家安陸之竹林號竹林居士先世安陸府志

卷二十

八

有曰化者從諸葛亮南征封中鄉侯明略讀書鳳皇山中善屬文黃庭堅深器重之元豐二年登進士初授華陰司理叅軍累官至端明殿學士出知常州蔡肇以啟謁之極其褒贊蘓軾左遷黃州團練使而范純粹亦安置鄂州明畧與之交游最善時衡山進士儼暨弟倚咸負才名爲時推重蓋與明畧後先相望云明略嘗代范純粹表一道文多不載庭堅贈之以詩其略云將發鄂渚間盡醉竹林酒又云平生思故人江漢不解渴又云竹林文章伯國士無與雙又云



晚得廖子與往還學如雲夢吞八九又云廖侯言如不出口銓量古今膽如斗東坡書云遠去左右俯仰十年所幸平安復見天日公議皎然榮辱安在矧公才學過人遠甚雖欲忘世而世不我忘晚節功名直恐不免爾此亦足以見其人云

明

歐陽謙

歐陽謙字伯益沔陽人洪武中舉明經授耀州學正擢監察御史永樂初谷庶人叛命謙密察之謙野服

安陸府志

卷二十

九

具舟隨賈人之長沙具得庶人秘謀歸報遂討其罪以功改編修轉考功郎中卒於官謙優於文學所著有滄浪集其赴長沙詩云半生槩劍歷天涯解組歸來髮向華臣職幾何能報國君恩萬一賜還家滄州鷗鷺盟猶在綠野桑榆色正嘉堪憾故交零落盡垂楊到處噪昏鴉蓋託言罷官挈家南歸妻孥亦莫之知復變形爲雜作以偵逆謀也

童承叙

童承叙字士疇沔陽人正德庚辰進士改庶吉士與

茶陵蒲圻號楚三才時楊文忠廷和楊文襄一清雅  
重公後永嘉拜相授引新進附之如蟻公獨不與經  
筵講立政諸篇惓惓於用正人端國本世宗喜甚賜  
緋魚服司業時與關中呂公柟倡明正學環橋門者  
以萬計丁酉典順天鄉試壬寅請告歸當公未第時  
大梁李牧守沔傳空同學公悅而從之游誦習楚辭  
文選及古今書舍英摘藻落筆若夏雲秋水不可端  
倪所著有內方集行於世

王格

安陸府志

卷二十

十

王格字汝化號少泉京山人嘉靖丙戌進士選翰林  
庶吉士與同館吳陸浚明華子潛袁永之越屠文升  
秦趙景仁同負才名館閣體爲一變時楊文襄張文  
忠不相能而諸吉士私議大祖常左文忠文襄請授  
諸吉士史臣若臺省官文忠執奏不可公坐是出知  
永興縣尋擢南戶部主事轉員外監兌蘓松陞四川  
僉事補河南僉事分巡河北會世宗南巡至衛輝行  
宮火火自內發於外無預而先是中涓索撫臣賄公  
扼魁項何物細人當輦下辱大臣中涓流言旨下逮

公及撫臣等杖而歸田非其罪也又十年金陵顧華王巡撫聘公與隨州顏維喬黃岡王稚欽同修興都志書成受金幣之賜穆宗初朝臣請錄叙耆舊公年六十有七不欲煩以事特授太僕寺少卿致仕里居五十餘年吟咏著述至老不衰著詩文百卷樂府型範古詞古風醇厚似魏晉律詩清潤秀逸稍似高岑亦時作杜語而善藏其迹京邑三百年文獻公實造草昧矣公於同邑李公維楨爲太父行序公集有云方今詞林以吳王元美爲宗元美生先生登第之歲安陸府志

卷二十

十一

每貽詩及楨輒曰有先生在未可輕試所爲推許敬慕殊甚序載少泉集中嘗遊峨嶠遇道人韓飛霞授吐納服食之術晚年鬚髯如戟腰帶倍人奉詔存問者至再卒之前期聞周元公父入祀學宮喜而爲之紀已夢伏羲有熊二帝召爲九日飲促家人視日早暮俄大星隕公遂卒享年九十有四崇祀鄉賢

### 高岱

高岱字伯宗京山人嘉靖庚戌進士刑部郎中會臺諫劾嚴嵩父子不法狀詔逮獄將寘重典岱請大司

寇鄭曉輕之獄上得戍邊岱復爲治裴微服送之嵩  
父子聞而銜之會景王出封諷銓曹出爲長史岱好  
讀書多論議著鴻猷錄樵論楚漢餘談西曹集弟啓  
巒皆有才名

### 陳文燭

陳文燭字玉叔沔陽人少負異質弱冠攻古文詩歌  
嘉靖乙丑進士授大理寺評事時七子有時名意不  
可一世公鴈行其間不少讓出爲淮安守古文詩歌  
益工以治行遷四川學使品隲精當得士爲多轉叅  
安陸府志

### 卷二十

### 十二

漕事遷大理卿致政歸建五岳山日率諸公飲酒賦  
詩其中六十病卒所撰有二酉園全集行於世

### 李維楨

李維楨字本寧號翼軒京山人隆慶戊辰進士選庶  
吉士授編修數載中忌者出督學陝西自是浮沉藩  
臬者三十餘年手不停披筆多退塚著作之富埒於  
弇洲公宦跡遍四方始則出入燕趙縱觀西山八陵  
禪林蓮勺之勝往來三輔秦隴窮終南二華昆明太  
液之蹟歸則東弔鸚鵡歌黃鵠陟匡廬汎彭蠡宿黃

山白嶽下錢塘徜徉於三竺六橋東則浮太湖登東嶽觀日月出没轉之陽羨探善權玉女之幽竒至於蜀之三峽峨嶠楚之洞庭衡嶺粵之太庾羅浮又若天台鴈蕩龍門禹穴諸名勝無不周歷一一載於篇什公素不勝杯酌不善博奕不治家人生產惟取所藏書校讐諷詠遠近乞文者日填塞於門卷軸碑版幾遍天下公性多可少否人無賚賤賢愚事無大小有求必應無所受謝公於汪伯玉王鳳洲兩公差後一輩而兩公皆推轂之以爲將來必踞吾二人上公

安陸府志

卷二十

十三

凡操海內文秉六十年著大泌山房一百三十三卷其詩文汪洋浩汗若彼北地信陽濟南興國皆瞠乎後矣晚就家起南太常卿晉少宗伯俄遷大宗伯予告回籍年八十卒之前一夕有大星殞

費尚伊

費尚伊字國聘沔陽人萬曆丁丑進士選翰林院庶吉士改兵科給事中公爲諫官森挺不少翫詘適見太宰趙公錦入朝步履偃蹇公䟽謂老當知退論者斥公輕詆以年例出爲四川僉事又兵備漢南經紀

鹽馬擢摘良奸禦其災哺其饑不遺力也未幾謫靈璧丞量移紹州推官丁外艱歸堅卧林園絕意仕進者五十餘年其爲詩文非兩漢三唐不道性喜賓客開尊賦詩陶然盡興沔城風物遊賞無虛日李宗伯本寧序公集稱其廣庶子之規模約廷尉之汜濫爲知言云沔自童內方陳玉叔後即推公著作之林所著有市隱園集

郝敬

郝敬字仲輿號楚望京山人萬曆己丑進士授淞江

安陸府志

卷二十

十四

縉雲令朞年調永嘉時海上倭警造戰艦調兵餉應節頗適境內有謝康樂舊蹟日遣尋討遂來潘孟陽之譏幸庭無留滯拜禮科給事中明年請假歸丁酉還朝除戶科時廷議爲朝鮮興師征倭費累鉅萬無功開礦開店中使驛騷十月之內諫䟽十二上己亥降冝興縣丞庚子遷江陰令在治四載縣境晏然因忤直指意被劾再擬降遂決歸計矣公父承健令肅寧早卒旋與人構難家益落李宗伯本寧提挈卵翼之三年課文五千首成名後以楮囊實舊草呈座師

馮宗伯琢庵衡之中石宗伯詫爲竒官歸時年尚未  
艾爲園西山之麓杜門著書精研易詩書春秋論孟  
三禮各著爲解共九部九十載而書始成公素不喜  
釋氏常欲驅除之著有駁佛書中年即製一棺額曰  
一抔齋因作一抔齋記語似莊周又著生狀歿制自  
爲銘略曰謂我爲儒我百家諸子謂我非儒我詩書  
執禮談玄妙尋常見聞窮神化隨身規矩蓋夫子之  
道不過忠恕堯舜之道不過孝弟苟索隱而行怪實  
罔民而欺世觀此則知公以斯道自任而功在絕學  
安陸府志

卷二十

十五

矣九經解外所著詩文數十種總其集曰山草堂卒  
年八十二子洪範崇禎壬午領鄉試明年遂卒

鍾惺

鍾惺字伯敬號退谷竟陵人萬曆庚戌進士授行人  
乙卯典貴州鄉試改工部主事轉南禮部陞郎中以  
僉事提學福建考校興化延平福州三府尋丁父憂  
去職公體貌清羸不勝衣性如冰霜不喜交接世俗  
人然待士以誠厚薦人惟恐其知因一見而知其人  
卒以成名者甚衆萬曆甲寅乙卯間取歷代詩與同

邑譚元春商訂其所棄取標新領異世傳詩歸是也  
官南都時儻秦淮一水閣閉門讀史筆其所見題曰  
史懷復研精楞嚴著如說十卷公嘗使巴蜀歷三峽  
登泰山觀日出入閩陟武夷所至名山川必遊遊必  
足以淵窅其詩文亦因以勇進勤徙也當初入仕思  
有用於世與同官講求時務以爲吾若居諫垣務求  
實用不競末節愛戀身家然其要在讀書而後實忠  
實孝出矣會有忌其才高者阨之使不得大有所表  
見僅以詩文爲當時師法豈非命歟所著隱秀軒全

安陸府志

卷二十

十六

集評閱左傳史記東坡文選諸書行世卒年五十二

譚元春

譚元春字爻夏景陵人舉天啟丁卯鄉試第一公父  
念湘早逝有弟五人皆嚴督之後各成名事孀母魏  
孺人最孝母年五十三病失明臥牀榻間躬進茗粥  
嘗藥餌凡八年而母始卒弱冠即與同邑鍾退谷締  
交文章性命管鮑不過也閩蔡敬夫蜀朱無易官於  
楚其知公雖因退谷而公之詩文行誼自足以致二  
公之知戊午督學葛屺瞻首拔公入秋闈不售棄諸



生辛酉周鉉吉督楚學強起公復出應試以恩選貢於京丁卯太史李太虛典楚試素知公暗中揣摩必欲得公爲省元闈中手其卷詫曰此必友夏也已而果然皆賀得人公好遊踪跡徧東南義篤師友鍾蔡二公沒思之終身不置又喜揚人善嘗過武昌寒溪寺讀舊令陳鏡清壁間詩歎其古奧亟刻而傳之隔寒河有譚叟訥庵袖詩請見卽爲選其佳者亦序而傳之所著詩有嶽歸堂稿文有鵠灣集遇莊所選有詩歸東坡詩竝行於世崇禎丁丑會試行至長店去

安陸府志

卷二十

十七

京三十里時夜半猶讀左傳平明起攝衣一晌而逝年五十二先是鍾退谷卒亦年五十二

王應翼

王應翼字穉恭號天樂京山人萬曆己酉領鄉薦初知廣東崖州明年改隴州降山西藩叅軍尋遷知雲南姚州丁外艱未赴起復知河南許州公性踈澹不耐事而嗜學老不衰交遊則退谷鵠灣諸名流搜討唱和無虛日而楮墨遍東南矣字法逸宕似米顛於詩獨攻近體鍛辭琢句沈鬱可喜所著采山樓詩文

十數種其刺許州時值楊公嗣昌奉命督師勦寇楊公與公同年舉於鄉而平素以詩文往來誼甚暱道過許文武吏蜂集轅門獨延公入見楊欲題公叅軍機公以老疾辭賊陷許昌公與子國俱歿

論口士大夫鮮不以文學進身而竊名亾實者比比也豈非習尚浮夸先枝葉而後本根以致流風之日衰邪觀吾郢歷代以經史詞學表著者可指屈而數然皆華實並茂若靈運心雜之間競躁子雲醜於美新子厚累於叔文華喪其實又奚取焉